



**KEMENTERIAN PENDIDIKAN MALAYSIA**

**PENUTUPAN SEKOLAH/INSTITUSI PENDIDIKAN  
YANG MEMPUNYAI KES POSITIF COVID-19**

**A. PENGURUSAN DAN PENGOPERASIAN SEKOLAH/INSTITUSI  
PENDIDIKAN**

- 1. Siapakah yang mengeluarkan surat arahan penutupan sekolah/institusi pendidikan sekiranya mempunyai kes positif COVID-19?**
  - i. Pengarah Bahagian Matrikulasi – Kolej Matrikulasi
  - ii. Rektor – Institut Pendidikan Guru (IPG)
  - iii. Pendaftar Negeri – Sekolah/Institusi pendidikan termasuk Institut Pendidikan Swasta (IPS)

- 2. Adakah guru/pensyarah perlu hadir bertugas apabila sekolah/institusi pendidikan ditutup?**

Tidak. Guru/pensyarah hendaklah bekerja dari rumah (BDR). Semua guru/pensyarah dikehendaki berada di stesen tempat bertugas masing-masing dan sentiasa bersedia sekiranya diarah hadir bertugas oleh Ketua Jabatan.

**3. Adakah Anggota Kumpulan Pelaksana (AKP) perlu hadir bertugas apabila sekolah/institusi pendidikan ditutup?**

Tidak. AKP hendaklah bekerja dari rumah (BDR). Semua AKP dikehendaki berada di stesen tempat bertugas masing-masing dan sentiasa bersedia sekiranya diarah hadir bertugas oleh Ketua Jabatan.

**4. Siapakah yang perlu hadir ke sekolah/institusi pendidikan ketika sekolah/institusi pendidikan ditutup?**

- i. Pekerja perkhidmatan perlu (*essential services*) termasuk pekerja pembersihan dan pengawal keselamatan; dan
- ii. Warden asrama dan pekerja dewan makan asrama sekiranya terdapat murid/pelajar yang kekal tinggal di asrama.

**5. Berapa lamakah tempoh sekolah/institusi pendidikan yang mempunyai kes positif COVID-19 perlu ditutup?**

7 hari. Ini bagi membolehkan kerja-kerja pembersihan, disinfeksi dan pengesanan kontak rapat dijalankan oleh Kementerian Kesihatan Malaysia (KKM).

**B. PENGURUSAN PENGAJARAN DAN PEMBELAJARAN (PdP)**

**6. Adakah PdP perlu dilaksanakan bagi sekolah/institusi pendidikan yang ditutup?**

Ya. Dalam tempoh penutupan sekolah/institusi pendidikan ini, pentadbir akan memastikan guru/pensyarah melaksanakan pengajaran dan pembelajaran di rumah (PdPR) mengikut

kesesuaian guru/pensyarah dan murid/pelajar. Manual PdPR boleh dimuat turun di portal rasmi KPM [www.moe.gov.my](http://www.moe.gov.my).

**7. Adakah sekolah dibenarkan untuk menunda Peperiksaan Percubaan SPM apabila sekolah diarahkan tutup?**

Ya. Sekolah yang terlibat boleh menjadualkan semula peperiksaan tersebut ke suatu tarikh yang bersesuaian

**8. Adakah sekolah boleh mengunci masuk data Peperiksaan Percubaan SPM jika sekolah diarahkan tutup?**

Ya. Sistem Analisis Peperiksaan Sekolah (SAPS) dibuka sehingga 31 Disember 2020.

### **C. PENGURUSAN ASRAMA SEKOLAH/INSTITUSI PENDIDIKAN**

**9. Adakah semua murid/pelajar yang tinggal di asrama boleh pulang ke rumah apabila arahan penutupan sekolah/institusi pendidikan dikeluarkan?**

Ya. Walau bagaimanapun, murid/pelajar yang menunggu untuk diambil ibu bapa/penjaga atau murid/pelajar yang ingin terus kekal berada di asrama sekolah/institusi pendidikan sepanjang tempoh penutupan sekolah/institusi pendidikan akan berada di bawah penjagaan warden asrama. Keperluan makan dan minum murid/pelajar sepanjang tempoh tersebut akan disediakan oleh pihak sekolah/institusi pendidikan.

**10. Adakah ibu bapa/penjaga yang berada di kawasan PKPB/PKPD dibenarkan mengambil anak/anak jagaan di asrama?**

Ya. Ibu bapa/penjaga dibenarkan untuk datang menjemput atau menguruskan perjalanan pulang anak/anak jagaan mereka yang berada di asrama sekolah/institusi pendidikan tertakluk kepada Garis Panduan Pengurusan dan Pengoperasian Sekolah dalam Norma Baharu.

#### **D. PENGURUSAN DAN PENGOPERASIAN INSTITUT PENDIDIKAN GURU DAN KOLEJ MATRIKULASI**

**11. Bagaimanakah pelaksanaan PdP sepanjang tempoh IPG/KM ditutup?**

PdP dilaksanakan secara dalam talian (*online*) sepenuhnya.

**12. Adakah pelajar boleh kekal berada di kolej kediaman sepanjang tempoh IPG/KM ditutup?**

Ya.

**13. Adakah kafeteria dan kedai runcit di IPG/KM beroperasi?**

Ya.

-TAMAT-